

1. N. 7.

DISPUTATIO INAUGURALIS JURIDICA

exhibens

*Positiones*

DE

SUCCESSORIBUS

ALLODIALIBUS ET FEUDALIBUS

*breves,*

vulgò

Bon

Landt- und Lehn-Erben /

quas

DECRETO

MAGNIFICI

CTORUM ORDINIS

in Incluta Altdorffina

PRO LICENTIA,

Supremos in UTROQUE JURE HONORES

& PRIVILEGIA DOCTORALIA legitimè

capeffendi,

*Publicæ Censuræ submittit*

JOHANN. JUSTVS BEINHARDT,

Rudolstadt-Schwarzburgicus.

D. 14. Mens. Octobr. A. MDCCCXXXI.

Horis Lq; consuetis.

Altdorf, Typis HENRICI MEYERI, Universit. Typographi.

DEO  
ET  
PATRIÆ.



D. T. O. M. A.

**D**um, relicto foro, iterum conscendo  
cathedram, fateri necesse habeo,  
quod utiliora, inq. foro frequenti-  
ora tractare praestet, quam tricis  
immorari, ex quibus nemo doctior,  
nec Respublica beatior evadit. Illas ergo spe-  
culativis solum ingeniis, (quibus dulce est ani-  
mo peregrinari, & corpore emori) relinquen-  
das censeo, non immemor verborum Paul. in l. 25.  
pr. ff. de liberat. leg. & Ulpian. in l. 1. pr. ff. de  
suspect. tutor. Atq. cum quotidiana eaq. non mi-  
nus utilis ac necessaria materia de Successori-  
bus allodialibus & feudalibus non infimum, pro-  
pter sui ipsius commendatione, inter ceteras ob-  
tineat locum, operae pretium fore confido, si de ea  
quasdam duntaxat theses, loco Disputationis ut  
ajunt, Inauguralis, pro angusti temporis & in-  
stitutiratione proposuero. Quippe alias facile  
evenire potuisset, ut pagella plus justo excrevis-  
sent, atq. non velitationem quandam, sed potius  
alicujus operis abortum redoluissent. Prius-  
quam vero rem ipsam aggrediar, Divinum  
Numen calidis veneror suspiriis, jubeat caepa  
hacce fausta esse ac fortunata!

THE-

THESIS I.

**S**uccessionis vocabulum multifariam in Jure nostro recipere significationem, plus quam notissimum est. Ut enim *vulgares* vocabuli *Succedere* acceptiones in prospero aut minus felici eventu taceamus, de quibus *Lexicographi* passim agunt; Successio quandoq; (1) in genere pro surrogatione in alterius locum accipitur, qua significatione omnium rerum atque personarum surrogationem complectitur, sive in officium aut dignitatem, sive in aliud quodcunq; jus fiat. Vid. *Valentin. Förster. de success. lib. 1. c. 1. n. 2. & 3.* Quandoq; vero (2) specialiter ad illum surrogationis restringitur modum, cum quis respectu personæ in re aliqua succedit, per *l. 3. ff. quæ res pignor. vel hypoth. l. 4. ff. de magistr. conven. atq; l. 6. ff. de Jure Fisc.* Unde appellatio succedanei defluxit, quæ in *d. l. 4. ff. de magistrat. conven.* habetur. Quandoq; denique (3) usitatus atque frequentius ad acquisitionem vel universi juris, quod defunctus habuit, vel rei alicujus singularis refertur, quo sentu successio in *universalem & particularem* dividitur. Utriusq; definitionem proponit *Valentin. Förster. lib. 1. de success. c. 44. n. 1. & seqq.* ubi insimul num. 3. & cæteris subseqq. usq; ad fin. successionis genera, tum ex ultima voluntate, tum etiam ex contractibus domini translativis recenset, quorum brevitatis studio B. L. remitto.

II.

Ob hanc multiplicem successionis significationem, *Successores* quoq; , qui vel universum alterius jus, vel etiam rem singularem ac dignitatem acquirunt, in varia constituti sunt differentia. Quidam enim sunt *Seculares*, quidam vero *Ecclesiastici*, de quibus *vid. Tabor. de Obligat. Success. in Offic. c. 4. n. 1. sub fin.* Quidam *universales*, quidam

quidam *singulares*, de quibus *Schneider. ad tit. Instit. de Ufuc. sub rubr. de specieb. præscript. n. 63. atq. Valent. Förster. cit. c. 44. n. 1. Et seqq.* Quidam porrò defuncto vel jure cognationis, vel etiam ex testamento; Quidam contrà jure sanguinis primo acquirenti succedunt. Vid. *Vultej. lib. 1. Feud. c. 8. n. 25.* Unde quidam *successores allostiales*, quidam vero *feudales* dicuntur, de quibus in præfentiarum uberius dicturus sum.

## III.

Bona namq; privatorum, in quæ successio fit, sunt vel *allostialia*, vel *feudalia*, juxta *text. 2. F. 26. §. inter filiam. 2. F. 44. 48. Et seqq.* ubi feudum, allodium & bona libellaria à se invicem distinguuntur. *Allodialia* sive patrimonialia dicuntur, quæ in plena nostra proprietate, seu dominio sunt, adeo, ut à nullo recognoscamus. *Dn. Stryck. in Exam. Jur. Feud. c. 2. q. 5* Hinc etiam à Doctöribus describuntur, quod à nemine, nisi à Deo, recognoscantur. Vid. *Matth. de Afflic. ad tit. si de feudo fuerit Et c. §. inter filiam. n. ult. Christin. vol. 6. decis. Belgic. 5. num. 21.* quod non nisi de libera dispositione & administratione intelligendum; respectu quippe Superioritatis & Jurisdictionis etiam *allostialia* Principibus eorumq; Magistratibus subsunt. *Knichen. de Jur. territ. c. 1. n. 237.* atque ad hæc *allostialia* Feudum quoque Solare, Germanicè *ein Sonnen-Lehn* propterea pertinere dicunt Dd. quod à nemine, quàm à Deo sive sole, quem Gentes pro Deo coluerunt, recognoscatur, prout cum *Dn. Rhæt. in comment. Feud. testatur Magnif. Dn. Fritschius Cancellaria Rudolfsad. Director eminentissimus, Patronus meus observantissimus, de feud. solar.* In hæc bona *allostialia* qui succedit, is vocatur *heres sive successor allostialis*, Germ. *ein Land-Erbe.*

## IV.

*Feudalia* vero dicuntur illa bona, quæ quis sub lege fidelitatis possidet. Fidelitas siquidem formam feudi absolvit ejusq; essentiam constituit. Vid. latè *Rosenthal. de feud. c. 2. co ncl. § 3.* Unde non solum feudum à fide deducitur, 2. *F. 3. in fin. Vid. Dn. Eyben. Elect. Feud. c. 1. §. 10. Carpzov. Disp. Feud. 1. th. 24.* sed etiam Vasalli passim fideles appellantur 1. *F. 4. §. si quis, atq; 1. F. 5. in pr.* Hæc enim fidelitas adeo ingreditur feudi substantiam, ut pactio, qua convenit, ne præstetur, feudi constitutionem penitus impediat; destructa enim forma rei essentiali, ipsa quoq; res perit. 1. *9. §. 3. in fin. ad exhib.* Utut alium contractum vel jus producat, uti contra *Bocer.* deducit *Dn. Struv. Syntagm. Jur. Feud. c. 2. th. 6. n. 6. § 57.* Alia ratione bona quoq; feudalia describuntur, quod sint ista, in quibus jus feudi legitime est constitutum. Vid. 1. *F. 4. in pr. junct. 2. F. 8. in pr.* Quomodo vero feuda vel per expressam constituentium & acquirentium voluntatem, in *investitura* declaratam, vel per præsumtam, ex *prescriptione* inductam, noviter constituentur, constituta deniq; per *successionem* ulterius in alios transferantur, ex Jure feudali atque Feudistis passim liquet. Vid. interim de hisce modis *text. 1. F. 25. 2. F. 1. atq; 2. F. 33.* Atq; hi, qui per successionem feudum acquirunt, vulgo dicuntur *Successores Feudales*, Germ. *die Lehns Erben.*

## V.

Præter bona hæc feudalia in jure quoque feudali dantur bona *libellaria*, per quæ cum *Hottomann. in Lex. feud. verbo libellarius contract.* *Frantz. de laudem. c. 11. n. 13.* (utut alii dissentiant, vid. *Dn. Bechmann. Ex. Feud. 6. n. 33. § seqq.*) *emphyteutica* intelligit, propterea, quia descriptio contractus libellarii, 2. *F. 9. §. 2. proposita, convenit cum*

cum descriptione emphyteuseos, quæ habetur in §. 3. *In-  
sit. de loc.* atq; in libris feudorum, ubi similis feudali con-  
tractus ponitur, semper libellarius nominatur, 2. F. 26. §.  
*inter.* nec unquam emphyteuseos, quæ tamen procul du-  
bio apud Longobardos in usu fuit, mentio occurrit. Qua-  
propter non incongruè quaeritur? *ad quæ bona ista libella-  
ria si ve emphyteutica, censitica aliq; similia referenda sint, an  
ad allodialia, an vero ad feudalia?* Respondetur *ad priora*,  
propter *text.* expressum 2. F. 26. §. *inter filiam.* ubi feudum  
allodio si ve libellario opponitur. Quare & hi, qui in hæc  
bona succedunt, successores erunt allodiales. Præter  
feudum namque cætera bona omnia dicuntur allodialia,  
si ve plenum in illis habeamus Dominium, si ve utile, quæ-  
que à nemine recognoscimus, nisi ratione Jurisdictionis.  
*Vid. cum Bald. Matth. de Afflict. atq; Ferrar. Scbrader. de  
feud. p. 2. c. 2. n. ult.*

## VI.

Hac vero occasione ulterius disquiritur, pro quibus  
successoribus habendi sint isti, qui in feudo hereditario  
succedunt? Feudum illud, vel tantum ratione solius modi  
succedendi, vel ratione modi & personarum succedenti-  
um, vel deniq; etiam ratione liberæ dispositionis heredi-  
tarium esse, præ cæteris eruditè demonstrat *Dn. Struv.  
in Syntagm. Feud. c. 4. th. 13. per tot.* Ut posteriori modo dici  
queat feudum hereditarium esse constitutum, necesse est,  
ut vel talis potestas & successio in feudo per investituram,  
præter ipsam feudi essentiam, sit concessa, ut puta, si  
quis de feudo, tanquam de re allodiali, sit investitus, vel  
etiam singulari loci consuetudine receptum, ut concessio  
feudo hereditario, aut mentione facta heredum der *Er-  
ben / id ipsum concessum intelligatur. Vid. Hartman. Pi-  
stor. lib. 2. q. 1. n. 37. Et seqq.* De hoc posteriori, quod etiam  
ratio-



ratione ipsius essentiae videtur esse anomalum. *Rosenthal. de feud. c. 2. concl. 36. Gail. lib. 2. observ. 154. n. ult.* atque propterea mere & absolute hereditarium vocatur, gravior existit controversia; *Gail. namq; cit. loc.* ejusmodi feudum naturam bonorum allodialium habere dicit, utin quemcunq; alienari, & de eo pro arbitrio disponi possit, reservata Domino directo fidelitate. Hancq; ob causam Successores hujus feudi potius allodiales, quam feudales esse videntur. *Add. Dn. Ludw. de Success. feud. cap. 1. reg. 2.*

## VII.

Verum, his non obstantibus, successorem in feudo hereditario non tam allodiale, quam feudale esse, censeo. Licet enim feudum hereditarium ita sit conjunctum hereditati, ut una cum reliquis hereditariis bonis transeat, tamen hoc certo modo intelligendum, prout tradit *Hartm. Pifst. lib. 2. q. 1. n. 69.* Hinc quoad feudum hereditarium non sufficit, quem esse heredem in bonis allodialibus caeteris, sed requiritur potissimum quoq; ut in ipso feudo jure hereditario succedat, uti post *Andr. Isern. aliosq; alleg. demonstrat Hartm. Pifst. cit. q. 1. n. 70.* Licet etiam Vasallo sub mentione heredum concedatur. *Gail. lib. 2. Obs. 154. n. 7.* atq; modo succedendi civili deferatur. *Vult. 1. de feud. c. 8. n. 25.* Attamen in reliquis, quae Domini magis personam respiciunt, feudum quoq; hereditarium propriam feudorum naturam retinet, veluti, quod iisdem ex causis amittatur, quibus alia amittuntur feuda, quia regulare est, ut, etsi feudi natura in uno per pactum immutata sit, in aliis tamen eandem retineat. *Vid. Hartm. Pifst. d. q. 1. & obs. 54. atq; Carpz. p. 2. const. 47. def. 1. n. 18. & seqq.* Utut vero isti, qui in feuda haec hereditaria succedunt, deducto modo pro successoribus feudalibus haberi debe-



debeant, in effectu tamen, quoad successionem aliaq; ,  
quæ talia feud. cum allodiis communia habent, successo-  
ribus allodialibus æquiparantur, atq; propterea feudum  
quoque hereditarium universali jure tam ad filios, quam  
agnatos pertinere, tradit *Dn. Ludwell. in tract. de Success.  
feud. d. cap. I. reg. 2.*

## II X.

Sed in dubio, ubi non constat, an bona allodialia, an  
vero feudalia sint, ulterius disquiritur, *pro quo successore  
præsumendum?* Sane, quia apud Interpretes Juris feuda-  
lis expeditum est, quod bona potius allodialia & libera,  
quam feudalia præsumantur, *arg. 2. F. 26. §. inter filiam.*  
ob rationem, quod omnis res pristinam suam naturam  
habere censeatur, atque feudi constitutio facti sit. *Ritters-  
hus. in partit. Feud. lib. 1. c. 2. q. 20.* Idcirco in dubio quoq;  
successor potius allodialis, quàm feudalis quis esse præ-  
sumitur, cum, ut bonorum feudaliū, secundum ha-  
bitus dicta, ita quoq; hujus successionis singularis sit,  
qualitas, quā non probatā, perinde haberi debet, ac si  
non adesset. Faciunt huc illa, quæ *Menoch. lib. 3. Præ-  
sumt. 91. n. 1. & seqq. Hartman. Pistor. Obs. 175. n. 1. & seqq.  
Gail. lib. 2. Obs. v. 69. num. 4. & seqq. Ludo-v. Schrader. de  
Feud. p. 7. c. 4. n. ult. Vultej. de Feud. l. 1. c. 9. n. 59. & 60.  
atq; Carpzov. lib. 1. Respons. 81.* tradunt. Quia tamen præ-  
sumptio hæc bonorum allodialium nunquam tam efficax  
est, ut alias, easq; fortiores, præsumptiones pro feudo ex-  
cludat, eapropter, si in contrarium proferantur præsum-  
ptiones speciales, ex quibus bona in feudum concessa in-  
telligere licet, Successores potius præsumuntur esse feu-  
dales, quàm allodiales. Vid. *Menoch, d. præsumt. 91. n. 39.  
Hartm. Pistor. cit. obs. v. 175. n. 4. atq; Mynsing. cent. 5. ob-  
serv. 25. n. 4.* Ejusmodi verò præsumptiones, quibus res  
B potius

potius probantur feudales, copiosè referuntur à *Me-  
noch. Mynsing. Gail. atq; Hartm. Pistor. cit. loc.* Quibus  
cum *Matth. de Afflict. Anton. Gabriel. atq; Brunn. in Con-  
sil. Feud. addatur Carpzo v. cit. respons. 81. n. 10. & seqq.*

IX.

Hi ipsi verò successores, tam allodiales, quàm feuda-  
les, in eò quidem conveniunt, quòd utriq; habiles esse de-  
beant, de quò requisitò passim ex Jure constat. Sicut enim  
de Jure Civili successores nonnulli sunt incapaces, non-  
nulli verò indigni, de quibus latius agit *Barry de success. l. 1.  
tit. 8. & 9.* Ita quoq; de Jure Feudali nonnulli à successione  
feudi excluduntur, alii verò ob feloniam commissam feu-  
do privantur, prout ex Feudistis plus quam notissimum  
est; In eo tamen differunt, quòd diversa (1) ipsorum suc-  
cessio, (2) diversus succedendi modus, & deniq; (3) diversa  
huic successionì *adherentia Jura*, de quibus adhuc bre-  
viter acturus sum.

X.

Et quidem quod ipsam (1) attinet *Successionem*, illa  
successoribus allodialibus defertur à lege vel *mediatè*, vel  
*immediatè*. *Mediatè* defertur per factum hominis ejus-  
demq; dispositionem. Et hæc dispositio dependet vel ex  
*conventionè*, vel ex *ultima voluntate*, seu testamento.  
Conventionalis successio Juris Civilis quidè fundamen-  
to destituitur: pacisci enim de hereditate viventis pro-  
hibitum est, adeò, ut odiosæ ejusmodi pactiones & ple-  
næ tristissimi eventus dicantur *in l. fin. C. de pact.* cum im-  
probis sit, qui de viventis sollicitus est hereditate, per *l. 1.  
§. 2. de Vulg. & Pup. Substit.* Dantur tamen casus singula-  
res, ubi de hereditate pacta non omnino reprobantur, de  
quibus agitur *in l. 19. & fin. C. de pact. ut & in l. 3. §. 2. pro  
Soc. vid. Brunnem. in Comment. ad d. l. 19. & fin. Vinn. de  
pact.*

## §. II. (:)

*pañ. c. 19. Mæstert. de Just. LL. Roman. lib. 1. dub. 41. atq; Zæf. ad ff. de pañ. n. 30. & seqq.* Extra hos casus in jure permittos pactio talis admittenda non est, hinc etiam inter modos deferendi hereditatem Jure Civili referri nequit; Moribus tamen eò deventum, ut pacta de hereditate acquirenda vel conservanda valeant, per ea, quæ tradunt *Hartman. Pistor. lib. 4. q. 1. & seq. atq; Hahn. de Jur. Rev. c. 8. conclus. 69. & seq.*

## XI.

Dubitarunt equidem haud pauci, an consuetudine talia pacta confirmari possint, quos citat *Förster. de success. ab intest. lib. 4. c. 24. n. 21.* Receptior tamen est opinio, ejusmodi pacta confirmari posse, cum bonis moribus civilibus tantum repugnent. Hinc consuetudo, quæ Jus Civile quoque tollit per *l. 32. §. 1. ff. de LL. merito etiam mores Jure Civili improbatos confirmare ac legitimare potest. Vid. Gail. lib. 2. Observ. 39. n. 15. Anton. Faber in Cod. de pañ. convent. def. 6.* Hæcque ratio est, quod variæ hujusmodi pactorum species sint subortæ, ipsaque pacta successoria in acquisitiva, conservativa & renunciativa, sive in affirmativa de succedendo, & negativa de non succedendo, dividantur, de quibus latius videri possunt *Bartol. Muscul. in tract. de success. convent. & anom. atq; Hahn. cit. tract. c. 7. concl. 66. atq; mult. seqq.*

## XII.

Porro lex quoque mediata hereditatem defert per dispositionem in ultima voluntate, cujus generis est successio testamentaria, quam *LL. XII. Tabb.* confirmant, juxta *l. 120. ff. de V.S.* At hic non sola lege, sed mediante factò testatoris hereditas defertur, ut certò solum respectu legitima vocetur. *Wissenb. de V.S. Diss. 31. th. 10.* Illa vero, quam lex immediate, defert, proprie legitima est & κατ' ἐξοχήν ita

ita dicitur, cum factum hominis ad eam necessarium non sit, quare à testamentaria sæpius in Jure distinguitur in l. 82. de heredib. instit. § l. 77. de acquir. vel amitt. hered. Quamvis verò immediatè hæc successio à lege deferatur, non tamen, nisi in subsidium, & successione testamentariâ deficiente, hoc fit. Favet enim ipsa Lex. XII. Tab. ultimis morientium dispositionibus, ut provisio hominis faciat cessare provisionem legis, per l. ult. C. de pact. Barbof. locuplet. lib. 14. c. 104. axiom. 5. Quapropter, ubicunq; ex testamento adiri hereditas potest, ea ab intestatò non deferatur, per l. 39. ff. de acquir. vel amitt. hered. § l. 89. de R. I. Illis verò casibus, quibus hereditas testamentaria cessat, quos latius deducit Dn. Stryck. de success. ab intest. c. 1. §. 10. & seqq. leges civiles in allodialibus ita deferunt hereditatem, ut semper linearum & ordinis rationem habeant, prout ex Nov. 118. c. 1. 2. & 3. uberius liquet, ubi primò descendantibus, secundò ascendentibus, tertio collateralibus successio deferatur, quas Classès successionum, cum hætenus fusiùs explicatæ sunt, brevitatis gratia hac vice omitto.

### XIII.

Quod verò successionem feudalem concernit, illa regulariter non per testamentum, sed ab intestato deferatur, cum omnis feudi alienatio sit prohibita, juxta text. 2. F. 52. & 55. Per testamentum autem talis alienatio tam in præjudicium Domini, quàm agnatorum fieret, hinc & dispositio testamentaria meritò prohibita est. Vid. Finckelthuf. Diss. feud. 6. thes. 6. Quod in tantum procedit, ut Vasallus ne quidem pro animâ suâ de feudò judicare queat, prout loquitur Imperator Fridericus 2. F. 55. nisi feudum sit novum, atque Vasallus disponat inter eos, qui aliàs in feudò successuri sunt, Vid. Schultz. in Synops. Jur.

*Jur. feud. c. 8. n. 16.* aut merè hereditarium sit, aut Domini & agnatorum consensus accedat, aut consuetudo deniq; regionis testamentariam dispositionem admittat. Videantur plura hanc in rem penes *Rosentb. c. 7. concl. 2. & seqq. Vultej. de feud. lib. 1. c. 9. Schneidew. de feud. part. 6. c. 1. n. 2. & seqq. Rittersbusf. part. feud. lib. 1. c. 12. Schultz. cit. loc. n. 11. & seqq. Richter. part. 1. dec. 25. n. 13. Strýck. in Exam. Jur. Feud. c. 14. per tot. Struv. Syntagm. Jur. Feud. c. 9. th. 12.* aliosve plures, qui materiam hanc latius deducunt. Circa quum hoc unicum adhuc observandum, quòd, quamvis de Jure communi nemo pro parte testatus & intestatus decedere possit, *l. 7. de R. I.* hoc tamen tantummodò procedat in bonis ejusdem naturæ. Unde si Vassallus de bonis feudalibus & allodialibus simul testatus fuerit, testamentum illud, quoad bona feudalia & successores feudales solum corrui; quoad allodialia verò eorumq; successores subsistit. Atque ita Scabinos Lipsienies pronunciaſſe refert *Matth. Berlich. dec. 49. n. 6.*

## XIV.

Ab intestatò successio feudalís quomodo se habeat, iterum latissimè in Jure feudali ejusq; Interpretibus explicatur. Quædam enim feuda *personalia* sunt, ad vitam solummodo Vassalli concessa, in quibus successio nullum locum habere potest. Talia sunt Feudum Habitationis, *2. F. 105.* Feudum Soldatæ, *d. text. 105. in fin.* Feudum de Camerâ, ut & Feudum de Cavenâ, vid. *Ludwel. in tract. de divis. feud. c. ult. n. 120.* eumq; laudans *Dn. Strýck. Exam. Jur. Feud. c. 4. n. 54. & seqq. Schneidew. de feud. part. 1. n. 61. Vultej. de feud. lib. 1. c. 8. n. 13. Rosenthal. de feud. c. 2. conclus. 75. n. 7.* Quædam verò realia sunt, quæ pro hereditibus simul conceduntur. Quamvis enim ab initio feuda fuerint precaria, ad arbitrium Domini revocabilia; post hæc

hæc annalia, porrò ad vitam Vasalli ususfructus illar  
concessa, *l. F. 1. §. 1.* progressu tamen temporis in feudis  
obtinere cœpit successio, quæ ab initio fuit restricta ad  
filios, *d. 1. F. 1. §. 1. in fin.* deinde per Conradum II. *Salle.*  
ad nepotes & defuncti fratres, modò paternum fuerit,  
producta, *d. 1. F. 1. §. 2.* Tandem deniq; ad collaterales,  
ex primò tamen acquirente per lineam masculinam de-  
scendentes, in infinitum extensa, *2. F. 31. §. 50.* Hinc in  
feudalibus successoribus, perinde ut in allodialibus, prima  
ratio est descendendum ex justo matrimonio procreato-  
rum, siue fuerint exheredati, siue non. Feudum enim,  
non tam à Patre, quàm ex beneficiò Domini ad filios de-  
volvitur, *2. F. 23. §. fin.* Ergò cum dispositio testamen-  
taria circa feuda, per antea deducta, nullius momenti  
sit, nec quicquam operabitur exhereditatio, *Vultej. de feud.*  
*lib. 1. c. 9. n. 96.* nisi feudum purè fuerit hereditarium. *Ro-*  
*senth. de feud. c. 7. conclus. 10. n. 8. atq; Stryck. de success. ab*  
*intest. c. 2. art. 2. §. 17.*

XV.

Excluduntur tamen ab hâc successione feudali filia,  
quæ in feudò non succedunt, ob rationem, quòd servi-  
tia Domino præstare nequeant. Quod non tantum in  
ipsis filiabus, sed & in nepotibus ex illis natis obtinet, *2.*  
*F. 11.* Quamvis enim in his cessent rationes fœminas ex-  
cludentes; fœminæ tamen nubentes in aliam transiunt  
familiam, ut nec earundem nepotes admitti queant, cum  
feuda familiæ concessa sint, *Förster. de success. lib. 4. c. 23.*  
*n. 48.* nisi feudum fuerit fœmineum, vel tale, in quod fœ-  
minæ aliàs succedere possunt. Inter filios porrò illi ex-  
cluduntur, qui sunt inhabiles ad servitia, non solum na-  
turâ, ob defectum animi & corporis, sed etiam lege;  
quales sunt Clerici, qui in feudum succedere nequeunt,  
etiam.



etiamsi habitum deposuerint, 2. F. 30. §. *ex hoc*. scil. post delatam successionem, secus si antea hoc fiat, *Ludw. de success. feud. c. 2.* Adoptivi, 2. F. 26. §. *adoptivi*, liberi naturales & multò magis spurii, & adulterini, etiamsi nulli liberi iusti adsint, 2. F. 26. §. *naturales*. *Schrader. de feud. part. 7. c. 5. n. 20.* nisi fuerint per subsequens matrimonium legitimati, non obstante *text. 2. F. 26.* quem explicant late interpretes Juris Feudalis, interq; eos *Dn. Struv. Synt. Jur. Feud. c. 9. thes. 3. n. 12. Add. Hartm. Pifst. lib. 2. q. 41. Schultz. in Synops. feud. c. 8. n. 43.* atque cum plurimis aliis *Mynsing. cent. 5. obser. 42. n. 2.* ubi hanc sententiam, quòd legitimati per subsequens matrimonium in feudo succedant, in Camera Imperiali receptam esse dicit.

### XVI.

Post descendentes in successione feudali ascendentes non admittuntur, adeoq; insignis inter successores allodiales & feudales hoc in puncto existit differentia. Tractitium namq; est, in feudis ascendentes excludi, per *text. 2. Feud. 50.* quod tam in præsumta voluntate Domini feudum concedentis, quàm Vasalli acquirentis radicatum est. Uterq; enim liberis tantum, non aliis prospicere voluit, *Vultej. de feud. l. 1. c. 9. n. 101. Hartmann. Pifst. lib. 2. q. 19. n. 5.* Sive sit feudum novum, sive sit feudum antiquum, exceptis quibusdam casibus singularibus, quos recenset *Schulz. cit. c. 8. n. 110. & seqq. Schnobel. Diss. feud. 7. th. 5. & 6. Struv. Syntagm. Jur. feud. c. 9. th. 3. n. 3. & seqq. Rosenthal. de feud. c. 7. concl. 14. Schrader. de feud. part. 7. cap. 6. Ludw. in Synops. feud. c. 9. aliq; plures.* Collaterales deniq; perinde ut in allodialibus, in feudis quoq; admittuntur, sed tamen non omnes, verum illi tantum, qui à primò acquirente per lineam masculinam sanguinem trahunt,



trahunt, *vid. 2. F. 31. in fin.* Unde excluduntur collaterales  
vassalli defuncti in feudo novo. Horum enim intuitu feu-  
dum concessum non est, sed tantum pro descendentibus,  
2. F. 8. nisi vel per pactum investituræ adjectum fratri-  
bus alijsq; collateralibus prospectum, vel etiam feu-  
dum novum jure feudi antiqui concessum fuerit. *Vid.*  
*Dn. Ludwel. in tract. de Success. feud. c. 4.* Plura de hac suc-  
cessionione feudali proponit *Dn. Stryck. de Success. ab intest.*  
*c. 2. art. 2. c. 3. art. 2. & c. 4. art. 2.* ad quem breviter  
gratiâ hac vice provoco, hoc unico adjecto, quod sine  
simultaneâ investiturâ de Jure Saxonico nequidem Col-  
laterales ex primò acquirente procreati succedant, sive  
feudum fuerit novum, sive antiquum, sive hereditarium,  
aut ex pacto & providentia, ob varios Juris Saxonici tex-  
tus, quos citat *Struv. Synt. Jur. Feud. cap. 9. th. 15.*

XVII.

Atq; jam (2) modum succedendi brevissimis aggredior.  
Is verò inter hos duos successores in successione ab inte-  
statò in eò convenit, quòd quandoq; in capita, quandoq;  
in stirpes succedant. In capita, quando plures persone,  
ad quas successio pertinet, viriles portiones capiamus, ut  
illud vulgare: *Quot capita, tot partes:* *So viel Diu 1750*  
viel Pfund. In stirpes verò, quando diversis personis  
portiones inæquales respectu stirpiû tribuuntur. *Mant.*  
*Steph. ad Nov. 118. Harprecht. ad §. 6. Instit. de hered.*  
*quæ ab intest. def. n. 6. Stryck. de success. ab intest. c. 1. §. 2.*  
In eo tamen discrepat, quòd quis allodialium sit ple-  
nus dominus, ut ejus arbitrio permissum sit, bona  
alicui in testamento relinquere, nec ne. Ergò si testam-  
entum non fecerit, ejusdem voluntatem lex supplere  
& successionem legitimam illis tribuit, qui proximo  
erunt defuncto conjuncti, quasi ea voluntas fuerit ejus,  
qui

qui moriens aliam non expressit. *Grot. de J. B. & P. lib. 2. c. 7. n. 3.* Unde Ictus Paulus scribit, quod credatur paterfamilias ab intestato succedentibus sponte sua relinquere legitimam hereditatem, *l. 8. §. 1. de Jur. Codicill.* At successionis feudalis singularis est ratio, quæ profuit ex primâ constitutione feudi, quâ concedens acquiritur ejusq; heredibus ac posteris, ab istò descendentes, qui eum repræsentant, prospicere voluisse censetur. *2. F. 23. in fin.* Hinc fluit, quòd diversa sit ratio Successionis civilis atque feudalis.

### XIX.

In civilibus namq; defuncto, vel jure cognationis, vel ex testamentò succeditur, prout in *antecedentibus* demonstravimus; In feudalibus verò solummodo ratione sanguinis, & quidem illi, qui primùm feudum acquisivit: in civilibus ultimo possessori succeditur; in feudalibus verò per eundem parenti communi, à quo uterq; & defunctus & successor descendit, & quidem jure delati à primò acquiretore feudi in omnes posteros, sicq; tacita quadam investituræ lege, per *text. 1. F. 14.* Quamvis hic ipse modus succedendi feudalis per pactum investituræ expressum immutari queat. Cum enim de feudi substantia non sit, sed solummodò de naturalibus, per tradita *Struv. in Synt. J. F. c. 2. th. 7.* ideò nihil obstat, quò minus per pactum investituræ adjectum immutari possit. Hinc, in modus succedendi à Jure Feudali determinatus observatur, atque civilis non substituitur, vocatur *feudum ex pacto & providentiâ*, scil. primi acquirentis, qui pacto seu contractu suo feudali reliquis jus quæsit, & ipsis de feudo providit. Sin verò per pactum, in investitura contentum, modus succedendi civilis accommodatur, constituitur feudum improprium, quod alias *hereditarium* dicitur,

quæ divisio, licet expressis verbis in Jure Feudali non reperiatur, iis tamen in locis suum fundamentum habet, quibus successio feudalis pactis immutari posse dicitur, ut in *text. 2. F. 1. pr. § 11. atq. 2. F. 50. in pr. Add. Strjck in Exam. Jur. Feud. c. 4. n. 45. ibiq. alleg. Würmser. atq. Struv. Synt. J. F. c. 4. th. 12. Carpz. p. 2. c. 47. def. 1. n. 17. atq. f. Hartm. Pist. lib. 2. q. 1. n. 61. § seqq. § q. 14.* Ut hæc immutatio formam feudi planè non absorbeat, teste *Strjck. cit. loc. n. 46.* Unde etiam in antecedentibus successiones feudorum hereditariorum ad successores feudales tertio modo retulimus.

### XIX.

Præterea quoad *modum succedendi* ea inter successores allodiales & feudales intercedit differentia, quod jure novissimò discrimen inter agnationem & cognationem quoad successionem rerum allodialium planè sustulerit Imperator Justinianus in *Nov. 118. c. 4.* adeò, ut hodie avunculus & patruus in æquas hereditatem dividant partes; Jure verò feudali ista differentia adhuc salva est, ut soli agnati in feudo succedant, cognatis exclusis. Familiae enim feuda concessa sunt, hinc ad eos, qui per foeminas junguntur, tanquam in aliena familia constitutos, per *l. 196. §. 1. de V. S.* transire non debent, *2. F. 11. pr. Ludwel. de Success. Feud. c. 4. Rittershus. partit. feud. lib. 1. c. 16. q. 1.* exceptis illis casibus, quibus foeminae in feudorum successione admittuntur. His enim cognati à successione feudali excludi nequeunt. Succedunt ergò regulariter fratres, fratrumq; liberi, perindè ut jure civili, statimè, ut non ubivis duplicitas vinculi attendatur. Nam frater Germanus uterinum quidem à successione excludit, non verò consanguineum, sed cum eò æqualiter succedit *arg. 2. F. 11. §. his verò*, ubi ille frater admitti dicitur,

tur, qui ex communi parente ejus agnationis natus fuit, quod & consanguineo recte applicatur, cum & hic agnatus sit, perinde ut germanus, §. 1. *Inst. de leg. agnat. success.* Deniq; etiam in eo adhuc disparitas occurrit, quod in allodialibus successoribus quoad lineam collateralem sola attendatur proximitas gradus, juxta *Nov. 118. c. 3. in fin.* in feudalibus verò non tantum gradus, sed & lineæ ratio habeatur, quam rem bene explicat *Dn. Struv. in Syntagm. Feud. c. 9. th. 7. n. 4.* Moriente scil. Vassallo videndum, an aliqui in eadem linea, seu qui ex eodem stipite proximò cum defunctò descendunt, supersint, ut hi omnibus aliis etiam primo acquirenti propioribus præferantur, an verò in eadem linea nulli adsint, & tunc ad lineam proximè vicinam progrediendum. Ergò proximitas quidem ratione ultimi defuncti, cui succeditur, æstimatur, juxta *text. 2. F. 37.* ita tamen, ut prior lineæ, post gradus habeatur ratio, prout evidenter probat *text. 2. F. 50. in fin.* Et hanc sententiam præter *Hottomann. de Feud. c. 17.* fovent quoq; *Sonsbec. de feud. p. 9. c. 112. Vultej. de feud. lib. 1. c. 9. n. 112. in fin. Zæf. de jur. feud. c. 10. n. 40.* Confer. *Dn. Stryck. in Exam. Jur. Feud. c. 16. n. 17. ibiq; al. leg. Ludw. atq; Eyben.*

## XX.

*Diversa* deniq; (3) in hisce successoribus occurrentia jura potissimum onera feudi atque onera Vassalli respiciunt. Quamvis enim distinctionem Juris inter onera feudi & Vassalli approbare nolint *Moller. ad Consil. Elect. Saxon. p. 2. Const. 46. & seq. n. 4. aliq; à Berlich. p. 2. concl. 55. allegati Dd.* summa tamen nititur æquitate, rem ipsam explicat, atque cum fructu & utilitate retineri potest, sicut etiam à plerisque recepta est, teste *Cothmann. vol. 2. Consil. 92. n. 3. atq; Petr. Heig. p. 2. qu. 20. n. 30. & seq.* ut non

immeritò communiter recepta dici possit, sicut & eandem Elector Saxonix in suis *Novell. p. 2. confl. 46.* approbavit, prout ex istius verbis patet, *Conj. Berlich. cit. conclus. 55. num. 34.* Licet verò jure communi feudali solum illa debita videantur constituere onera feudalia, pro quibus feudum legitimè oppignoratū est. Quia in *text. 2. F. 45.* nullum debitum ex numero onerum hereditariorum eximitur, atque nullibi alterius debiti ex feudo exsolvendi fit mentio, quàm ejus, pro quò hypotheca Domini, & si feudum antiquum fuerit, agnatorum consensu constituta. *2. F. 55.* Unde quoq; ex hac juris feudalis dispositione ejusmodi debita omnia hereditati incumbunt, *arg. l. 35. §. 1. ff. de hered. instit. Hartm. Pistor. lib. 1. q. 4. n. 13.* exceptò casu in *text. 1. F. 6. §. 2.* proposito; successu tamen temporis introductum, ut quædam debita feudo ex consuetudine cohæreant, & quidem vel secundum nonnullorum locorum mores simpliciter, ut puta, debita in feudi utilitatem contracta, *Carpzov. p. 2. confl. 46. def. 26.* residuum pretii, *Carpz. cit. loc. def. 27.* atque dotalitium, *Hartm. Pistor. cit. q. 4. per tot.* vel etiam in subsidium, verb. gr. educatio atque dotatio filiarum, *Vultej. de feud. lib. 1. c. 9. n. 57. Carpz. cit. Confl. 46. def. 16.* alimenta filiis inhabilibus ad succedendum præstanda, *1. F. 6. §. mutus*, exolutio legitimæ, in cuius comparisonem maximam patrimonii partem impendit pater, *Carpz. d. loc. def. 24.* atque impensæ funebres, vel summâ æquitatis ratione, quam contra *Carpzov. dissentientem* hoc in casu cum *Meuv. in Discuss. Levam. inop. debit. c. 7. n. 182.* urget *Dn. Struv. Synt. Feud. c. 14. th. 20.* quem sequitur *Stryck. in Exam. feud. c. 21. n. 27.*

## XXI.

Utilitas autem hujus distinctionis in eo consistit, quòd

quòd onera, quæ vel feudo, mediante oppignoratione, vel etiam absq; illa ob consuetudinem cohærent, tùm à Domino, cui feudum aperitur, tùm etiam à quolibet successore, sive sit filius, sive agnatus, & sic à quolibet possessore præstari debeant. *Hartm. Pistor. lib. 2. q. 48. Petr. Heig. lib. 2. q. 20. n. 45. atq; Carpzov. lib. 4. resp. 28.* Quia enim ex æquitate feudo cohærent, eorundem quoq; exsolutio ad Dominum & quemlibet successorem feudalem transit, prout cum allegatis demonstrat *Berlich. p. 2. conclus. 55. n. 35.* ubi quoq; *n. 36.* dicit, quòd ea inter Jus commune Feudorum & Jus Saxonicum sit differentia, quòd successor feudi de jure communi onera feudi (extra oppignorationem scil. constituta) non nisi in subsidium præstare teneatur, secus ac de jure novissimo Saxonico, quò nonnulla debita feudo simpliciter cohærent, & quidem contra textus juris feudalis & naturam feudi strictè consideratam, ob sanctionem *Elect. Saxon. cit. Constit. 46.* Onera verò Vassalli, qualia præter enarrata sunt cætera omnia debita, ex allodiò & à successore allodiali sive herede præstari debent, *arg. 2. F. 45. Berlich. d. l. Stryck. cit. cap. 21. n. 3. ibiq; alleg. Carpzov. in tract. de Oner. Vass. feud.* Nonnunquam tamen etiam ex feudò, habita scil. distinctione inter feudum hereditarium & inter illud, quod est ex pacto & providentia. Si namq; feudum sit hereditarium, successor quoq; debita, quæcunque etiam sint, exsolvere tenetur, vid. post *Gail. lib. 2. observ. 154. n. 10. atq; Mynsing. cent. 3. observ. 67. n. 1. & seq. Berlich. cit. concl. 55.* sive successor fuerit filius, sive agnatus, vel alius extraneus. *Berlich. cit. loc. num. 24.*

## XXII.

Nec porro interest, an feudum sit merè & absolute hereditarium, an saltem ratione modi succedendi & se-



cundum quid, quod mixtum aliàs dicitur. Utut enim feudum hoc etiam à primo acquirente sit quæsitum, adeò, ut secundum naturam feudi in eo quoq; filii, exclusis filiabus, succedant, hæc ipsa tamen successio jure hereditariò peragitur, atq; modus succedendi civilis observatur, ita, ut succedatur in eo non jure propriò, sed perindè, ut in allodialibus, hereditariò scil. jure à defuncto delato. Quapropter & in hoc feudo tam filii, quàm agnati, eòdem jure ad allodialia & feudalìa vocantur, nec feudum sine allodiò retinere possunt, sed voluntatem defuncti, perindè ut alii heredes, servare tenentur, sive ratione feudi aliquid sit præstandum, sive aliàs circa successionem feudi disposuerit defunctus. Itaq; quoad qualitatem hereditariam, utrumq; feudum, tam absolutè & merè hereditarium, quàm mixtum rebus allodialibus accensetur, ut in illis, perindè, ac in reliquis rebus hereditariis successio jure hereditario, etiam quoad onera Vassalli, fiat. Vid. *Hartm. Pistor. lib. 2. qu. 1. n. 47. it. post Cravett. Camer. aliosq; Berlich. cit. conclus. 55. n. 18.* Et eatenus successores in feudis hereditariis cum successoribus allodialibus coincidunt, modò ipsis simul deferatur allodium. Tunc enim, quia necessariò debent esse heredes saltem per indirectum, quævis dispositio Vassalli circa feudum ipsis præjudicat; Secus se res habet, si vel ab ipso Vassallo defuncto excludantur ab hereditate allodiali, vel ipsis non deferatur propter heredes allodiales proximiores, v. g. *si filiæ succedunt in allodio, agnati in feudo*, tunc non aliter ipsis præjudicat dispositio Vassalli, quàm si Dominus consenserit. Vid. *Vultej. lib. 1. c. 9. n. 114. Et seqq.*

### XXIII.

Si feudum sit ex pactò & providentia, iterum dispendendum, an novum, an antiquum sit. In novo, cum soli filii



filii regulariter succedunt, onera quoq; Vassalli atq; sic debita à patre contracta exsolvere tenentur, *arg. 2. F. 45.* Ubi verò agnati, deficientibus descendantibus, succedunt ex pactò vel consuetudine, iterum interest, an sint simul heredes allodiales, an non. Priori casu, debita Vassalli defuncti quævis exsolvere tenentur; Posteriori verò casu, à nonnullis ab oneribus Vassalli liberantur, quod sint successores singulares, qui ad æris alieni præstationem obligati non sunt. *Schrader. de feud. p. 7. c. 7. n. 38. & seqq.* Verum quia causam succedendi à defuncto habent agnati, perinde ut heredes allodiales, ideò magis videtur æqua sententia, quòd in subsidium quoq; ad satisfaciendum creditoribus defuncti obstringantur, per ea, quæ tradit *Berlich. cit. concl. 55. n. 85. & seqq.* Utut jure Saxonico propter vim simultaneæ investituræ aliud dicendum sit, teste *Carpzov. p. 2. c. 46. def. 4.* In antiquo, neq; filios, neq; etiam agnatos ad præstandum æs alienum defuncti, nisi insimul heredes in allodio sint, obstrictos esse, Interpretes Juris feudalis occasione *text. 2. F. 45.* communiter docent, vid. *Schrader. d. p. 7. c. 7. n. 34.* Alii tamen hanc constituunt differentiam, quòd agnatus quidem onera Vassalli subire non debeat, nisi (1) etiam hereditatem defuncti adeat, ut non quidem ut successor feudalis, sed ut allodialis oneribus hereditariis obligetur, *Schrader. dist. loc.* aut (2) consuetudine loci ad debita defuncti Vassalli solvenda teneatur, qualem in Electoratu & Marchionatu Brandenburgensi vigere dicit *Dn. Struv. Synt. J. F. c. 14. tb. 29. n. 4.* filius verò in feudo succedere haud possit, nisi hereditatem quoque paternam adierit, sicq; onera hereditaria susceperit, ob diserta verba *text. 2. F. 45.* quæ neque de feudo hereditario pro parte commodè accipi, neque etiam per distinctionem inter suum & necessarium here-

heredem explicari possunt, per ea, quæ latius tradit cum  
*Vultej. Sonsbec. Zaf. Coler. Rosenthal. atq; Hartm. Pistor.  
 Berlich. p. 2. conclus. 56. n. 11. Et seqq. ubi n. 13. rationem di-  
 versitatis annectit, quod filius scil. ob honorem, quem  
 patri debet, non possit habere feudum absq; onere here-  
 ditario, adeoq; teneatur æs alienum solvere, non solum  
 quatenus vires hereditatis ferunt, sed, iis quoque non  
 sufficientibus, ex feudi proventibus. Add. *Carpzov. p. 2.  
 c. 46. def. 5. Et seqq. Mev. discuss. le vam. inop. debit. c. 7.  
 n. 190. Et seqq.* Et hanc sententiam posteriorem Electo-  
 rem Saxonie expressâ Constitutione approbasse, confir-  
 mat *Ordinat. Torgav. tit. Welcher Gestalt die Agnaten.  
 §. Da ein Vatter.**

#### XXIV.

Ex hætenus deducta differentia ulterius fluit, succes-  
 sorem quidem allodiale dispositionem testamentaria  
 antecessoris ratam habere debere, propter *l. 14. C. de  
 Rei Vindic.* sed quoad successorem feudalem ulterius di-  
 stinguendum esse inter feudum hereditarium, & inter  
 feudum ex pacto & providentia, ita quidem, ut in feudo  
 hereditario successor facto defuncti contravenire neque-  
 at, ut & in feudo ex pacto & providentia, sed novò, in  
 quo primus acquiritens in præjudicium illorum, qui cau-  
 sam succedendi ab ipso habent, disponere potest. Vid.  
*Schrader. de feud. p. 7. c. 2. n. 22. atq; Dn. Richter. p. 1. decis.  
 25. num. 13.* In feudo verò antiquo nulla valeat ordinatio  
 quoad agnatum succedentem, nisi simul sit heres. Filius  
 tamen secundum *cit. text. 2. F. 45.* etiam quoad feudum  
 per indirectum ad dispositionem paternam servandam  
 obstrictus est, nisi exheredatus fuerit in allodio, tunc enim  
 licet exhereditatio in allodialibus subsistat, in feudo tunc  
 novo quàm antiquo succedere potest, patris quoq; di-  
 spositi-

ipositione non servatâ, *Stryck. in Exam. Jur. Feud. c. 14. n. 6. atq; Struv. c. 9. lb. 12. n. 8.* ubi addit: quod filio exheredato non obitet exclusio à feudo antiquo, etiamsi Dominus consenserit, noceat tamen exclusio à feudo novo cum consensu Domini facta.

### XXV.

Consimili modò ex hætenus dictis apparet, quòd successores allodiales res ab antecessoribus alienatas nullo modò revocare queant. Heres enim cum defuncto eadem persona esse, atque defunctum ita repræsentare dicitur, ut contra factum ejus venire nequeat, per *cit. l. 14. C. de Rei Vind. ibiq; Brunnem. atq; l. 149. de R. J. Richter. p. 1. decis. 55. n. 3. & seqq.* Successores verò feudales feudum, etiam licitè cum consensu Domini alienatum, revocare possunt, & quidem vel jure protimiseos, vel jure delatæ successione. Jure protimiseos, etiam vivò Vasallò, juxta *text. 2. F. 9. §. ult. 2. F. 26. §. Titius*, quæ redimendi facultas quoq; filiis conceditur, juxta *Rosenthal. de feud. c. 9. conclus. 88. Berlich. p. 2. concl. 60. n. 27.* Jure verò delatæ successione, post mortem Vasalli alienantis eorumq; liberorum, modò Vasallo alienanti non simul in allodio successerint, nec in alienationem consenserint, vid. *1. F. 5. 2. F. 26. d. §. Titius. atq; 2. F. 39.* nec etiam feudum hereditarium fuerit. *Hartm. Pist. lib. 2. q. 14. atq; Stryck. Exam. Jur. Feud. c. 20. n. 9. atq; 11.* Sicut & filii, utut successores feudales fuerint, ab hoc jure revocandi excluduntur, cum feudum ab allodio non separare, *2. F. 51. §. filius*, neque factò patris contravenire possunt, juxta *cit. l. 14. C. de Rei Vind.* Tandem deniq; ex differentiis hucusq; propositis sequitur, quòd agnatus quidem feudum retinere possit, repudiatâ hereditate defuncti, ob *text. 2. F. 45. Hartm. Pist. lib. 2. q. 2. n. 1.* Non verò successor allodialis, qui,

si solus heres existat, hereditatem pro parte adire, pro parte verò repudiare nequit, l. 7. de R. J. l. 10. l. 80. in pr. de hered. instit. etiamsi retentâ solâ legitimâ hereditatem repudiare velit. Cum enim, ut pleriq; volunt, legitimâ filio institutionis titulô relinquenda sit, per Nov. 115. c. 3. eveniret, ut, repudiatâ institutione, repudiaret quoq; legitimam. Vid. Facin. lib. 4. Controvers. c. 65. atq; Perez. ad C. de repud. vel abstin. hered. n. 7. Idem quoq; de filio, in feudô succedente, quòd vel utrumq;, feudum scil. & hereditatem retinere, vel utrumq; repudiare debeat, asserendum esse, præter illa, quæ hanc in rem in antecedentibus proposita sunt, satis demonstrat Ludw. de success. feud. c. 1. reg. 3.

## XXVI.

Unde jam patet, quòd successio heredum allodialium sit universalis, per quam idem, ac omne jus, quod defunctus habuit, in successorem transfertur, l. 24. de V. S. atq; l. 62. de R. J. Successio verò in feudo sit singularis. Carpzov. p. 2. Const. 46. def. 1. n. 6. § 7. Hottomann. quidem de Feud. c. 16. eandem, respectu agnatorum singularem, respectu verò filiorum universalem esse censet, per text. 2. F. 45. Verùm hæc distinctio vix admitti potest, cum feudum etiam ad filium non hereditariò jure, sed beneficio potius Domini & primi acquirentis devolvatur. l. F. 1. §. 1. § seqq. Quare potius inter feudum hereditarium & ex patto & providentia distinguendum esse censet Dn. Ludw. cit. tr. c. 1. regul. 2. ita, ut illud universali, hoc singulari jure tam ad filium, quàm agnatum pertineat, d. l. F. J. quamvis filiorum, mediante patris personâ, primo acquirenti succedentium durior, quàm agnatorum sit conditio, prout demonstravimus, atq; Ludw. cit. loc. ulterius confirmat. Unde ne quidem ab hoc nexu per consecutionem

nam inventarii se liberare possunt. Licet enim ad hoc proficiat inventarium, ne ultra vires feudi & hereditatis teneantur, eodem tamē non liberat ab obligatione, quā ultra vires hereditarias in subsidium quoq; ex feudo ad satisfaciendum creditoribus obstringuntur. *Berlich. p. 2. concl. 56. n. 22. & seqq. atq; Carpzov. p. 2. const. 47. def. 6.*

## XXVII.

Neque solum quoad successionem & approbationem factorum & onerum defuncti inter successores allodiales & feudales intercedit differentia, sed etiam quoad alia, ut puta fructus & meliorationes. Nam fructus rerum allodialium indistinctē ad successores allodiales pertinent, cum pendentes partem fundi constituent, per *l. 44. ff. de Rei Vind.* heres quoque malæ fidei possessoris, modò in bona fide constitutus sit, fructus, quos percipit, suosq; faciat, ad instar alterius bonæ fidei possessoris, per *l. 48. §. 1. de acquir. rer. domin.* Unde quoq; fructus bonorum allodialium de Jure Civili pro rata temporis ad possessorem antiquum ejusq; heredes & novum possessorem pertinent, arg. *l. 5. l. 7. §. 1. & seq. ff. sol. matrim.* uti in emphyteusi, retrovenditione, retractu, aliisq; casibus observari, tradit *Hartm. Pistor. lib. 1. q. 24. Berlich. p. 3. conclus. 43. n. 5. & seqq.* Aliud jura feudalia in feudalibus introduxerunt. Feudò namq; per mortem Vasalli finitò, fructus naturales & industriales separati ad heredes allodiales pertinent, pendentes verò ad successores feudales spectant, si scil. vassallus ante Calendas Martii vel post Augustum moriatur, si autem intra hoc tempus vitæ decedat, successoribus allodialibus acquiruntur, *2. F. 28. §. bis consequenter. Hartm. Pistor. l. 1. q. 24. n. 39. & seqq. Vultej. de feud. lib. 1. c. 11. n. 110. Rosenthal. de feud. c. 10. conclus. 42. num. 48. Carpzov. p. 3. c. 32. def. 1.*

& seqq. Limitationem tamen constituunt Dd. in illis  
 fructibus, qui tardius percipiuntur, ut vindemiarum,  
 hos enim Vasalli heredibus allodialibus addicunt  
 etiam si post Augustum mens. Septembr. decesserit Va-  
 fallus. *Hartm. Pistor. dist. loc. num. 49.* Ubi verò fructus  
 successoribus feudilibus obveniunt, impensis heredibus  
 Vasalli restituendas esse, docet *Hartm. Pistor. cit. loc. n. 72.*  
 Civiles denique fructus pertinent ad heredes allodiales,  
 si dies eorum vivò Vasallò venerit; si verò post mortem  
 Vasalli, pro rata temporis inter successores allodiales &  
 feudales dividendos esse, statuunt Interpretes nonnulli  
*arg. d. l. 7. solut. matrim.* Alii tamen contrarium asserunt,  
 atque fructus civiles, quorum dies defuncto demum Va-  
 fallo cedit, successoribus feudilibus adjudicant. Vid.  
*Rosenthal. de feud. c. 10. conclus. 117. Vultej. de feud. d. c. 11.*  
*n. 111. atq; Carpzo v. p. 3. c. 16. def. 6.* Quid de Jure Saxo-  
 nico circa fructus tum naturales, tum etiam civiles, statu-  
 tum, patet ex traditis *Carpzo v. cit. Constit. 32. def. 1. 2. &*  
*seqq. atq; Richter. decis. 56. n. 10. & seqq.*

## XXIX.

Meliorationes tandem quod attinet, satis expeditum  
 est, quòd de Jure communi feudali unà cum feudo ad  
 successores feudales non transeant, sed heredibus allodi-  
 alibus Vasalli cedant. 2. F. 28. §. Si Vasallus. Jure namq;  
 allodialium censentur, *Schrader. de Feud. part. 10. sect. 18.*  
*n. 127.* in tantum, ut & filiabus earum nomine jus retenti-  
 onis competat. *Me v. part. 3. decis. 368.* Optio tamen  
 communiter feudi successoribus relinquitur, an præcuius  
 ædificiorum ac meliorationum solvere, an verò pati ve-  
 lint, ut ædificia & meliorationes tollantur, d. §. Si Va-  
 llus &c. nisi æquitatis ratione, aut negotii qualitate con-  
 motus Judex aliter statuatur. Ejus siquidem officio incom-  
 bit.



bit, rem hanc ita temperare, ne qua nimia in alterutro  
versetur captio, ut non minùs eleganter quam doctè de-  
ducit *Hartm. Pistor. lib. 2. q. 42. n. 4. & multis seqq.* quem  
sequitur *Berlich. p. 3. concl. 42. num. 2. & seqq.* Quidnam  
verò heredes in casu, ubi successores feudales meliorati-  
onum pretium solvunt, consequantur, an tantum, quan-  
tum impensum, an verò præsentem saltem æstimati-  
onem, demonstrat *Mev. p. 3. dec. 41. n. 2. atq. Stryck.*  
*Exam. Jur. Feud. c. 22. n. 17.* Jure Saxonico ædificia solo  
cedunt feudali, sive utilitatis, sive voluptatis gratiâ exstru-  
cta sint, ut successores allodiales defuncti eorundem im-  
pensas exigere nequeant. *Carpzo v. p. 3. c. 31. def. 1. & 2.*  
In aliis verò meliorationibus dispositio Juris feudalis  
obtinet, quare etiam in foro Saxonico ad heredes Vasalli  
pertinent, teste *Carpzo v. cit. Const. 31. def. 3.* Atque hæc  
sunt, quæ de *Successoribus allodialibus & feudalibus* per  
breves theses, summò quasi digitò, demonstrare volui.  
Restant plura de eorundem convenientiâ & disconveni-  
entiâ, non solum in feudis nobilibus, sed etiam regalibus.  
Sed hæc aliâ occasione cum thesium præsentium ube-  
riori deductione, Deò dante, evoluturus sum. Pro  
nunc Lectoris Candidi benignam censuram mihi polli-  
ceor, Deoq; gratias sub fine hujus Dissertationis  
persolvo humillimas.







L

**B**EINHART est natus *Patre*, juris  
lumine claro:

Editus est & *Avo*, Legum ju-  
risq; perito:

Profatus & *Proavo* est, præclaro  
juris asylo

Illustri in *Swartzburgiaco* quondam  
comitatu:

BEINHART Consultus juris lauda-  
bilis ipse

fiat, & *Altorffo* redeat feliciter,  
opto

Ἐγὼ quidem ἰλαψυχῶς

JUSTUS GÖSSING/SS.Theol.D.  
Superint. Rudolphstad.

DN. CANDIDATUM.

**D**Uros ecce tuos compensat honore  
labores

Nostra Themis. Grator, faustaq;  
cuncta precor.

Honoris ergò  
addit

AHASV. FRITSCHIUS.

III.

**D**Um Successorem docto certamine  
sistis, (brabéa dabit.

En, Tibi iusta Themis digna  
Hoc de successû testor, BEINHARTE!  
secundo

Gaudia, & exopto prospera  
quæq; Tibi.

Hicce DN. CANDIDATO, Supremos  
Juris Honores faustos esse jubet

HEINRICUS Und / D.  
h. t. Fac. Jurid. Univ. Altdorff.  
Decanus.

IV.

**O** Rnat Te pietas & clara scientia juris;  
Quare non ornent clara brabea  
caput?

Honoris & amoris  
ergò f.

JOHANN. Gulsner/  
Consil. Schwartzb.

V.

χαίρειν καὶ ὁ πρῶτος!

**F**LORET. AVITUS. HONOR. SIC. IN.  
TE, PROLE. CELEBRI.  
BEINHARDI! TITULO. HOC. OPTO.  
FRUARE. DIU.

αὐτῷ.

addit

M. Jo. Mich. Schwimmer/ R. R.

